

臨汾縣

明

賴安

洪武間知漳縣勸民以禮決訟以法平賦重農創建縣學

張進

洪武十二年以賢人君子辟薦授河南按察司僉事聖礪州武安涉縣改授臨洮府狄道縣縣丞

馬負圖

建交已卯京闈聯捷授戶部主事勤能著稱陞永平知府以績最陞河南布政

李信

永樂時由國子生授遵化知縣至宣德中閱二十七年始擢無爲知州以年老不欲赴遂乞歸卒

李寅

授陝西安塞知縣有愛民善政累官陝西布政司右叅議

陳紀

正統戊午舉人歷官許州知州以德化民勸以治生之道察民間夜有讀書及紡績聲給油助之雖

隸卒亦各課以生業一時鄉市絕少遊惰民有輕俠無賴者給與牛具令其改過由是感化再膺旌焉

奸囊兵民歡服晉工部尙書時大工並興公勤省閱請酌緩急爲先後力專功遄費減舊之半屢蒙褒賜以內艱歸起南吏部尙書甄別去留輿情咸服改戶部仍督太倉告歸年八十三卒贈太子少保諡恭肅

張克溫

弘治乙丑進士授戶部員外賞軍通州羨銀數萬悉進上不取更通五經博覽羣籍制行以古

人自期師事之者

甚衆稱張夫子云

賀銳

字廷器性廉介才識兼人弘治己酉舉於鄉初任高陽宰以廉明內擢直隸道監察御史立朝正色

取言不避權貴尋巡按山左巡茶西秦所至膏雨隨車口碑載道時賊盜猖獗正德七年奉勅監軍直隸討賊凱旋日上賜以金帛錫以盛宴朝野榮之累官至江西觀察歸老林下和族睦黨賑荒周貧鄉里賴焉所著詩文燼于兵燹惟中樓讌集一律至今勒石大中樓壁

賀溱

字汝濟銳子家學淵源忠孝濟美嘉靖丙午登賢書初任保安州牧晉永平同知擢監察御史蹇諤

骨鯁有乃父風歷任
山東叅政循績多端

劉穆

正德丁丑進士授翰林院庶吉士志行端謹詩文
工麗奉命河南祭河不受餽遺歷官太常寺少卿

康天爵

嘉靖癸未進士歷官陝西叅議事母至孝居官
清慎嘗監山東銀礦毫無所取及歸有武弁違

送密饋以金責

卻之時稱廉直

劉宗哲

正德癸酉舉人良鄉知縣歷河間府通判所至
有惠政

范汝敬

嘉靖辛卯舉人授平涼府通判以仁愛著聞

亢思謙

字子益號水陽嘉靖甲午舉鄉試第一丁未成
進士選翰林庶吉士授編修出使淮藩却餽遺

弗受奉命課中官取漢唐中官可爲勸戒者訓誨之分
校禮闈督河南學政擢右叅政分守洛陽伊藩驕恣請
入萬金廣府第報可將履畝加稅思謙白諸御史奏罷
之是陝西按察使山東右布政使有盜攫大璫金大璫

逮諸富室雜治之思謙廉得其狀爲任捕盜責釋諸富
室不問遷四川左布政使四川多雨郡邑運米至者不
以時收輒浥爛思謙日親詣庾下遇有至者卽收之歡
聲載道致政歸所著有玉堂集中州巖耕集慎修堂集
諸書行
於世

安貴

乾州學正文清行粹教人有方

陳嘉言

嘉靖庚子舉人鎮原知縣有惠政生平不作一
誑語恂恂樂善以清白遺子孫撫孤姪曲盡恩

誼弟嘉禮亦由舉
人爲安定知縣

王嘉禮

嘉靖壬子舉人爲人方正因寇亂承父瑞志督
修東關城功勤二載寒暑不避復置兵器儲於

公署後授山東范
縣知縣卒于官

郭維藩

平陽衛指揮嘉靖中白草溝防守與賊戰身先
士卒被執不屈罵賊而死贈都指揮使

徐節

嘉靖癸丑進士知泰安州以廉名河決治塞有方民得全活者甚衆歷官陝西右布政

秦新民

嘉靖壬午舉人爲真定府推官早年致政居鄉一貧如洗非公不入有滅明之風

荀時中

隆慶辛未進士副榜任盩厔知縣居官多善政邑人有召杜之頌

亢孟禴

字似何萬曆丁酉舉人洋縣知縣和平樂易尤善造士時瑞藩之國供應繁難孟禴極力申請

省費頗多又開堰渠累官河南府知府招復流民勦撫土寇崇禎壬午闖寇陷城衆官奪門走孟禴獨死之贈太僕卿

周迂祚

萬曆戊午舉人江南廬江縣知縣瘞枯骨招流亡德政最著

張教

素行純正由歲貢任陝西永壽知縣縣城先經寇破百姓盡逃教下車築城招撫逃民著有政聲

喬君章

萬曆間以貢主簿蒲城清慎有執持折獄明允華州失守蒲人震駭君章慨慷任職守責防禦

甚悉寇知有備斂衆去攝渭南簿設法運漕官民兩便
新簿來去任遮留至二日不得發將渡渭羣起割其燈
傷御者手甫渡蒲人謀擁以歸渭人亦流連望之不卽
去後御者傷重將死家人環向哭其人徐開目曰但得
喬公復還吾卽死無
恨其得人心如此

王景祚

端方醇謹學行爲里黨推重萬曆戊午歲薦第
一任肅寧令解綬歸闔門教子所著有庭訓五

卷了心訣
醒世語錄

李迪康

恩貢授河曲縣教諭上官薦其文行足範品重
珪璋陞宜君知縣

張維明

恩貢奉親能孝敬後學經其指授者皆爲知名
士

李縈登

恩貢歷高安知縣守城禦敵寢食俱忘按使薦
其完漕運餉苦心可嘉陞江西袁州府同知

劉永昌

歲貢任徐溝教諭陞陝西延長知縣闖亂逼授
僞職逃歸義方訓子併登賢書

桑拱陽

字暉升崇禎癸酉舉人未仕性謹嚴嘗作進

圖清心錄朝天賦種石說又繪太極圖於憲揭敬字於室四方學者爭師之生平澹泊寧靜不入城市不履公門惟以講學請則欣然就道嘗爲御史王嗣美學使楊作楫袁繼咸講學於平陽者三爲撫軍吳甦蔡懋德講學於太原者二而吳方有家禮維風之纂因以屬之蔡則更進而咨以政事後吳以學行特薦下詔徵取以母老力辭先是羅父憂有孤燕來巢之異至是仍以陳情請因著松風賦以見志甲申聞變絕粒不食死嘗於龍吟書院講忠孝兩經聞者咸感泣蓋忠孝大節未嘗一日忘云

田自立

恩貢授代州訓導博雅方正陞懷仁教諭

賈應吉

郡學生明末闖寇至逼授偽官稱疾不出

張鵬翼

明季諸生杜門謝客不樂仕進惟以讀書明理教其子孫足跡不入市井者二十餘年子峻以

明經秉鐔恒陰孫象蒲由省元成進士官翰林人以爲
隱德之報

樊鎧

晉西河王府典膳正德九年行次開州時流賊攻
長垣鎧挺身乘馬出斬三賊

周疑祚

邵庠生明季流寇擾境守城竭力保全桑梓

田弘發

邑庠生性甘澹泊篤志嗜學時流寇擾境衆舉
防守東關城殫心竭力得保無虞

巨道凝

縣志泰昌年恩貢初任博野知縣潔已愛民釐
奸剔弊陞同州牧平冤獄勸農桑值流寇猖獗

練鄉兵

極力守禦洪承疇知其賢調鄜州益竭智撫綏

數與賊戰

殲一渠魁陞慶陽定邊司馬時環境皆盜凝

至中大義

與副將尤世奇同心保障卹殘黎疏渠道溉

田數千餘畝

民至今享其利尸祝有祠薦陞平涼知府

民越境

歡迎甫年餘丁外艱歸

國朝定鼎

首錄用會疾篤辭順治六年年六十五卒

鄧永清

由歲貢知沙河縣崇禎間山盜入寇攻沙河城
急晝夜相拒力不能支城陷被執賊露刃逼永

清冠帶跪見永清曰吾堂堂天子命吏恨不磔汝等萬段此膝豈爲汝輩屈哉罵不絕口遂被害全家殉難至今子孫無傳

國朝

周遠祚 舉人繁峙縣教諭姜寇陷城逼令受職不從死之

胡希聖 赤貧苦學傭菜以贍其母由進士授司李歷官袁州知府政績丕著及致仕家居二十年不出

門闔子祺篤孝有父風

王家瑞 舉人授江南睢寧縣知縣多惠政百姓愛戴所著有風俗論

劉振聲 舉人授河南洧川縣知縣多善政所著有一人史玉菴詩集

劉俊聲 家貧嗜學援引後進由舉人知清水縣政尙寬仁教養不輟卒于官無子士民至今思之

秦永陞

舉人授山東德平知縣居官威惠並著吏民德之

徐弘先

舉人官內閣中書歷刑部郎中特修律例書每秋審多所平反以常將不忍留天地能到無冤

長子孫一聯銘於座右遷鎮遠知府未任而卒所著有揣摩言冒居草

張峻

字晉石歲貢鵬翼子家貧力學尤篤孝父病籲天減年以益父壽奔母喪哀毀幾不起塋之日雪甚

爲文禱天立霽人以爲純孝之感獨營兩喪不問弟姪且以自置田產與之均分而負債已償垂老之年祭木主猶泣有終身之慕居鄉和而介遠近質成有敗檢者恒畏其知以明經司鐸恒陰訓士有方處已以儉製一帛衣二十年不做卒于官囊篋蕭然惟積書萬卷而已

張奇鯤

拔貢家貧好古通經史厲學行著半巖集

張聯芳

字秀起恩貢授江南溧水縣丞歷善化深澤二縣知縣敷政六載萬民感惠

王治

副貢任孟縣教諭歷刑部員外郎家學淵源文行素著居鄉端方言笑不苟教子成名

楊希震

字晉園例監歷任興安寧羌沅州知州所至有聲

周光祚

丙子副榜才學兼優胆智過人國朝定鼎公舉委署聞喜縣令

韓旭

孝廉韓魁之弟康熙初年督修城工著有成績

樊凝

字九嶷性狷介負氣節從學辛復元之門順治三年貢授盤匡知縣崇教化抑奔競唯一意休養百姓

不事趨奉未幾罷去百姓知其貧爭相餽贐幾及千金凝不受飄然歸里至不能舉火坦如也杜門養高吟

咏自適周眷新題其壁曰仙風道骨雪意冰心水雲嫡派河汾一人舊載通志

亢宗瑗

以恩例授貴州都勻知府蒞任革除陋規撫恤苗民不遺餘力建義學置學田爲士子公車費

都勻府治俱存碑記

李實敷

歲貢積學力行教士有方名士多出其門後授老營堡訓導

孟世泰

字紹孔滿州籍臨汾人由內弘文院編修署武昌道事遷河南按察司再遷貴州布政使補江

西布政使入爲鴻臚寺卿補奉天府府丞遷右通政歷太僕寺卿遷大理寺卿世泰饒智畧稱一時勞臣在楚尤著吳逆亂以詞臣効力行間垂十年擘劃動中機宜比署武昌道時賊敗黠者爲緩兵計佯乞降世泰知其詐迫之至營諭以利害賊遂解甲去通城民聚黨劫掠議進勦世泰力沮之輕騎詣縣具述朝廷威德委曲宣諭衆感泣咸稽首聽命遂按治渠魁如法解餘黨俾得歸業楚人亟稱之後壽八十二卒

劉若龜

字敬菴幼耿介雅好讀書工文壬子中順天鄉試任新城教諭遷長壽知縣廉而有惠政治行

舉蜀中第一入爲工部主事未兩月

特授四川道監察御史巡視南城豪猾斂跡久之出爲貴州糧驛道適都勻苗變制撫計安輯而難其人以命若龜若龜單車就道至則開陳大義且明示禍福苗民感

泣稽首就撫訖事不戮一人未幾內陞光祿寺少卿遷
順天府府丞再遷大理寺少卿所至胥有聲績年六十
四歲卒

於官

襄陵縣

明

鄭昌

幼遂於學有文名洪武五年以貢隸太學遂通仕籍累官吏部左侍郎任專寵渥年老致政歸始終

恩禮

不替

祝信

性醇謹事親備極孝養每會職官經其間雖寢必披衣拱立以洪武三十年貢授金華判有清節遷

太僕

少卿

邢讓

字遜之年十八舉於鄉入監李時勉器之與劉珏齊名登正統間進士改庶吉士授檢討景泰初上

疏曰近李實還也先使偕至以前勅未及迎復爲辭在廷屢請陛下不許夫我之所以講者爲上皇也不迎上皇而與之講將安圖也上皇於陛下有君之義有兄之恩陛下安得而不迎及今弗圖賊將假大義以問我因

而入寇臣未知孰爲曲直也若從羣臣請仍命實齋勅以往具宣迎復之旨雖上皇還否未可必而陛下恩義之篤昭然於天下矣苟而不許則我得責直於彼以興問罪之師不亦善乎上曲諭解之天順間未終父喪起修英宗實錄進修撰成化二年詔遷國子祭酒議慈懿太后祔廟讓率僚屬疏諫兩京國學教官例不得遷擢讓以爲言由科目者得銓叙讓好功名修辟雍通志立勅諭學規諸碑督諸生誦小學諸經痛懲謁告時以此見稱而怨謗亦衆名位相軋者多忌之五年擢禮部右侍郎七年以在國子監用會饌錢事與後祭酒陳鑑等俱得罪諸生訴闕下請代復詔廷臣雜治卒坐罪贖爲民卒

柴良

正統丁卯舉人授廣安知州寇至州治左右請避之良不可且曰吾清官寇來何爲且郡章將誰屬

耶獨懷章坐中堂竟遇害郡人哀慕立祠祀焉

邢霖

字時望讓子成化丁未進士官兵部武庫司郎典百司柴薪銀兩卻羨餘以廉幹稱出爲長蘆運使

正德丁卯因逆瑾用事解印綬歸延師儒以訓後進禁奢侈以維風俗又深明醫藥活人甚衆壽至八十六終

嚴正

國子生洪武間知靜寧州蒞事勤慎民咸德之

盧盛

舉人宛平縣教諭歷陞工部員外轉趙府長史致仕歸以清白聞

楊恩

永樂年以武勇授錦衣衛百戶子剛武力過于父天順元年得功亦授錦衣百戶

梁海

有勇力正統間征討得功授錦衣衛千戶

王璣

舉人任曹縣知縣居官嚴恕化惡爲良士民頌之

趙洪

歲貢任肅府紀善身教多士導輔有方

黃景澤

字汝德舉人任灤州知州改涇州意氣激昂度量宏偉且善訓迪喬寧州高忠節受經其門

王應吉

字伯修進士初任山東安邱知縣推禮部主客司主事河南道御史按部江北再按畿南忤江